

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za podršku i razvoj uprave

Broj: 02/3-05-6399/17

Dana: 11.12.2017.godine

Na osnovu člana 70. stav 1. i 3., člana 33. i 34. Zakona o javnim nabavkama BiH („Sl.glasnik BiH“, br: 39/14), te na osnovu izvještaja sa preporukom Konkursne komisije za provođenje postupka javne nabavke, po provedenom postupku Konkurs za izradu idejnog rješenja, Gradonačelnik Grada Bihaća u skladu sa članom 52. stav 1. tačka c. Statuta Grada Bihaća („Sl. glasnik Grada Bihać“, broj: 13/15), donosi,

ODLUKU
o izboru najpovoljnijeg ponuđača

Član 1.

U provedenom konkursu za izradu idejnog rješenja „Spomen obilježja braniocima-oslobodiocima grada Bihaća“, izabrano je prvoplasirano, drugoplasirano i trećeplasirano idejno rješenje kojima se dodjeljuje novčana nagrada.

1. Ponuđač koji je dostavio prvoplasirano idejno rješenje je Alem Korkut - Zagreb.
Prvoplasirano idejno rješenje je rješenje pod šifrom AŽ1234.
Novčana nagrada za prvoplasiranog iznosi **7.000,00 KM**.
2. Ponuđač koji je dostavio drugoplasirano idejno rješenje je Ena Kukić - Graz i Dinko Jelečević - Graz.
Drugoplasirano idejno rješenje je rješenje pod šifrom FR1806.
Novčana nagrada za drugoplasiranog iznosi **2.000,00 KM**.
3. Ponuđač koji je dostavio trećeplasirano idejno rješenje je Mersiha Čerim - Sarajevo, Amila Rujanac - Sarajevo, Emina Alić - Ilijaš, Gorica Mehić - Sarajevo, Jasmin Sirčo - Visoko i Zejd Kobilica - Sarajevo.
Trećeplasirano idejno rješenje je rješenje pod šifrom LY5769.
Novčana nagrada za trećeplasiranog iznosi **1.000,00 KM**.

Član 2.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova Odluka objavit će se na web-stranici www.bihac.org istovremeno s upućivanjem odluke ponuđačima koji su učestvovali u postupku javne nabavke, shodno članu 70.stav (6) Zakona o javnim nabavkama.

Član 4.

Po pravosnažnosti ove Odluke, ugovorni organ će pozvati prvoplasiranog ponuđača radi zaključenja ugovora o otkupu autorskog djela kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u konkursnoj dokumentaciji i zakonskim propisima koji regulišu postupke ugovaranja.

Obrazloženje

Postupak je proveden na osnovu Posebne odluke o pokretanju postupka javne nabavke broj: 02/3-05-6399/17 od 22.09.2017.godine, Obavještenja o nabavci broj: 1034-6-2-96-3-27/17, objavljenim na portalu javnih nabavki dana 25.09.2017 godine, projektnim zadatkom i konkursnom dokumentacijom.

Komisija za nabavke se sastala dana 30.11.2017. godine u 13:00 sati, odmah po isteku roka za dostavljanje konkursnih radova, te je zapisnikom konstatovala da je ukupno pristiglo 11 (jedanaest) anonimnih konkursnih radova sa navedenim šiframa i da nije bilo neblagovremenih dostavljenih radova. Komisija za nabavke je dostavila sve radove Konkursnoj komisiji na otvaranje, pregled i ocjenu, a koja se sastala 07.12.2017. godine. Nakon što je Konkursna komisija pristupila otvaranju pristiglih ponuda utvrđeno je da su dostavljene ponude anonimne i označene identifikacijskom šifrom. Koverte „AUTOR“ sa ličnim podacima autora idejnog rješenja predate su neotvorene, sekretaru Konkursne komisije, do okončanja izbora najboljih idejnih rješenja. Konkursna komisija je pristupila analiziranju ponuđenih idejnih rješenja na osnovu projektnog zadatka i kriterijuma navedenog u projektnom zadatku. Nakon što je Konkursna komisija izvršila pregled i analizu svih ponuđenih idejnih rješenja, konstatovala je da su sva, uzimajući u obzir sve uvjete Konkursne dokumentacije, odgovorila na projektni zadatak.

Analizom ponuda i primjenom kriterija: - Estetske, tj. vizuelne elemente rješenja; Simbolički elementi i usklađenost formalno-estetskih parametara sa značajem spomenika; Prostornu usklađenost u već postojeći ambijent; Didaktičku dimenziju spomenika, tj. njegovu „moć“ da podsjeća i upozorava; Kulturni značaj spomenika u lokalnom i širem kontekstu, konkursna komisija je donijela je preporuku o izboru najboljeg idejnog rješenja, te na osnovu toga preporuku o dodjeli novčanih nagrada.

U postupku donošenja ove odluke, posebno su cijenjene činjenice da je Konkursna komisija, pravilno i potpuno, izvršila ocjenu prispjelih ponuda, u skladu sa kriterijima iz konkursne dokumentacije. U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Konkursne komisije. Naime, u postupku je ocijenjeno da je Komisija u svemu pravilno postupila te da je izbor najboljeg idejnog rješenja izvršen u skladu sa Zakonom o javnim nabavkama, podzakonskim aktima, i konkursnom dokumentacijom.

Cijeneći naprijed navedeno odlučeno je kao u izreci ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se podnosi Gradonačelniku Grada Bihać, na adresu ul. Bosanska br.4, 77000 Bihać u tri primjerka.

Gradonačelnik
Šuhret Fazlić s.r.

Dostaviti:

1. Ponuđačima
2. Služba za društvene djelatnosti
3. www.bihac.org
4. a/a